

Marcelino Paesch a bira rey di Dande 2008 na Hulanda



— Marcelino hunto cu Sonsito, y Sra. Rosa Luydens y casa.



— Marcelino Paesch a bira ganador di Dande na Hulanda.



— Sixta Trimon.



— Miro Ridderstad.



— Grupo Nos Sonrisa aki ta pose.



— Michelle Thijssen.

ORANJESTAD (AAN): Pa di 22 biaha, Fundacion Contacto Arubano Rotterdam (CAR) bao direccion di señora Erna Diaz a organiza dande festival na Hulanda. Esaki a tuma lugar diasabra 27 di december 2008.

E aña aki e festival a ser dedica na sr. Miro Ridderstad cu ta un di e pilarnan di Dande na Hulanda. Den su speech Miro a bisa ta masha contento mes cu e dedicatorio aki y su dande el a dedique na su tata na Aruba.

MC tabata pa di 6 aña consecutivo Sr. Addonsito Croes. E festival a cuminsa cu e himno di Aruba canta pa Oslin Trimon sigui pa un

baile cultural pa e grupo NOS SONRISA di Señora Lissette van Trig. Nan a baila dos cancion: Oh, What a Night (Tino Ruiz) & Nos Cultura (Sharon Rose).

E participantenan di e aña aki tabata: Michelle Thijssen, Mirtha Giel, Marcelino Paesch, Miro Ridderstad, Benito Helder, Solange Trimon, Luis Figaroa, Marylou Trimon, Anthony Bikker y Alex Trappenberg. Nan a ser acompaña pa e banda HERENCIA CULTURAL bao direccion di Oslin Trimon.

Miembronan di jurado tabata: Brenda Nogera, Sonia Ruiz, Willy Dja-oeng, Dennis Geerman y Sydney Kock como presi-

dente di jurado. Un tremendo presentacion a ser duna door di e banda gaitero Saborrr Gaitero di Anthony Giel.

Señora Sixta Trimon a ricibi un regalo special for di señora Erna Diaz di CAR pa su sosten semper na eventonan cultural di Aruba.

E dia tipico aki tabata un bez mas un exito hopi grandi pa nos Arubianonan na Hulanda.

E resultado ta como lo siguiente. Na di cinco lugar tin Michelle Thijssen, di cuatro lugar pa Luis Figaroa, di tres lugar pa Miro Ridderstad, di dos



— Alex Trappenberg.

lugar pa Alex Trappenberg, e ganador di 2008, Marcelino Paesch.

Representante di Arubahuis- Den Haag sr. Sydney Kock a hiba palabra y den nomber di ministro plenipotenciario di Aruba Sr. Frido Croes el a felicita fundacion CAR cu e celebracion di nos dande. Tambe el a desea nos publico presente un Bon

Aña 2009.

Señora Erna Diaz di CAR kier a gradici tur sponsor y tambe un y tur cu a haci e festival aki posibel. Un pabien na nos participantenan y finalistanan y Danki pa tene Aruba su cultura na halto!

E potretan ta pa cortesía di Edwin Henriquez di photoindio.com y tambe Mark Marugg di funkyfama.com



CENTRALE BANK VAN ARUBA

Zilver 5 Florin 2009 "Dande op Nieuwjaars"

Het jaar 2008/2009 is door de regering van Aruba uitgeroepen tot het jaar van de Cultuur. In dit kader heeft de Centrale Bank van Aruba namens de overheid besloten om aandacht te schenken aan de "Dande op nieuwjaars" in zilver proof uitgegeven ter ere van deze culture viering.

Specificaties:

Metal	Zilver (925/1000)
Gewicht	11,9 gram
Kwaliteit	Proof
Diameter	29 mm
Randschrift	DIOS TA CU NOS
Nominale waarde	5 Florin
Oplage	max. 5000 ex.
Prijs	Afl. 90,-



Voor meer informatie kunt u contact opnemen met de afdeling Kas en Kluis van de Centrale Bank van Aruba via telefoon 525-2137. U kunt ook bij de Kassier van de CBA aan de J.E. Irausquin Boulevard nr. 6 terecht. Kasuren: 8.30 a.m.-11.45 a.m. en 1.15 p.m.-3.30 p.m.

TELEFONNAN DI DIARIO
582-6747 - FAX 582-8551